

## JURISTAS

### Vizaun Jerál kona-ba Organizaun no Aproximasaun kona-ba Jéneru

Juristas hanesan organizaun ida ne'ebé hola parte ba iha organizaun feto sanulu resin hitu (17) mak hanaran Rede Feto. Organizaun ne'e funsiona hanesan asosiasaun informal voluntáriu. Maibe oras neé dadaun sei falta sira nia estatuto rasik, kona-ba prosesu formasaun ninian ka sei dauk iha membru natoon atu bele hetan rekoñesimentu formal nu'udar ONG ida.

Zélia Trindade, membru ida iha organizaun Juristas, hanesan feto jurista ida ne'ebé aktiva iha organizaun Rede Feto, no mos hanesan prokuradora ida ne'ebé sei simu hela formasaun iha fase estagiaria iha Procuradoria Distrital de Dili, iha nia sevisu nu'udar prokuradora sempre ajuda feto sira liu husi aktua kasu violénsia domestika no kasu violénsia sexual, no iha prosesu barak mak hetan desizaun iha tribunal distrital, nia mos halo servisu iha tinan barak hanesan membru direasaun Rede Feto ninian.

Maske ... dezvoltimentu no kometimentu jerál ne'ebé governu fó ba igualdade jéneru ninian, Timor-Leste nia sistema judisiál sei iha nafatin defeitu, ne'ebé la'ós favorável ba feto sira atu hetan justisa. Situasaun desfavorável ne'e aumenta tan tanba laiha lei ida klaru atu proteje feto nia direitu, no tanba sosiedade patriarkal ida ne'ebé halo mosu sensitividade laek ba feto nia direitu husi ator legal sira. Timor-Leste nia sistema judisiál iha de'it tinan haat resin no uza lei Indonesia hanesan nia lei subsidiária. Indonesia nia lei rasik laiha lei spesífiku ne'ebé proteje feto nia direitu. Laiha alternativa seluk iha lei maka bele proteje feto, liu-liu kona-ba krimi ordináriu hanesan violénsia doméstika, violénsia seksual no forma sira seluk abuzu ninian.

Zelia Trindade, 'Major Needs and Challenges for Achieving Gender Justice in Timor Leste', *Peace Needs Women and Women Need Justice Conference on Gender Justice in Post-Conflict Situations*, New York, 15-17 September 2004, pp. 1-2.

Juristas nia misaun mak atu fó edukasaun ba feto kona-ba sira-nia direitu legal, no mós atu promove no defende tuir sistema legal nia, no rekoñesimentu makaas ba feto sira-nia direitu. Organizaun ne'e indika katak feto barak mak seidauk hatene ka konhese didiak sira-nia direitu tuir sistema legal, no feto barak mak seidauk hatene leis sira ne'ebé bele proteje direitu igualdade entre feto no mane sira nebe vigora tiha ona (ezemplu, Constituisaun, no leis tratadus hanesan CEDAW).

Violénsia domestika no violénsia sexual, sei existe makaas tebes iha território Timor-Leste nia laran, liu-liu feto sira ne'ebé moris iha area rurais, iha comunidade nia let sira sei hetan diskriminasaun no sei hetan violénsia makaas husi sira nia laen sira. Violénsia sira ne'e sempre existe no feto sai vulnerável tebes, tamba falta de edukasaun, falta de informasaun nebe mak bele ajuda sira nia hanoin, no feto sira quase barak mak sei hakruk deit ba sistema patriarkal no kultural.

Jurista nia esperansa katak sei sai preoridade liu ba feto mak hanesan fo edukasaun no haklaken informasaun kona ba leis sira ne'ebé iha nia isin ka iha esperito jéneru. Juristas fiar katak jéneru ninia igualdade formal iha lei nia oin bele tulun atu liberta feto sira husi kultura Timor nia aspetu patriarkal balun nebe lafo vantagem ba feto sira nia moris.

Oras ne'e Juristas nia preokupasaun boot liu mak, oin nusaa atu bele fo protesauun adequada ba feto sira tuir sistema justisa formal nia. Tanba oras neé dadaun ita seidauk iha lei specifico ka lei violénsia domestika, atu nuneé bele sai fundamento forte hodi proteje violénsia ne'ebé bazeia ba jéneru. Ezemplu ida ne'ebé Juristas hato'o kona-ba violénsia sempre existe tan

kestaun de sistema barlake, kestaun de ekonomia (ezemplu katak: dala barak sempre existe violénsia tamba iha mane sira nia hanoin ka conseito katak fetu ne'ebé sira hola hanesan sosa kotu ona no sira bele usa hanesan objecto bele baku conforme, bele bando halo aktividade ruma mak kontra sira nia vontade, no kestaun ekonomia katak fetu sira labele buka osan tamba ne'e sempre depende deit ba sira nia laen).

Juristas defende katak dalan ida atu hamenus violénsia doméstika mak promulga lalais 'lei violénsia doméstika', presiza aumenta kapasidade autoridade leis nia hanesan polisia, no tribunal sira atu bele kompriende diak liu kona ba kestaun jéneru, haklekar informasaun kona-ba ideia katak lei formal haree ba fetu no mane nia direito hanesan, no violénsia hasoru fetu hanesan hahalok krimi todan ne'ebé autor sira sei hetan kastigo tuir lei. Juristas rekoñese katak presiza duni iha lei ida forte, atu nune'e bele sai hanesan instrumentu ida ne'ebé la fó espasu ba violénsia hasoru fetu no sai hanesan rekursu ida ba fetu sira nebe hetan violénsia bele uza no konhese ho diak.

## **Programa**

Juristas sei dauk iha programa formal *per se*. Maibé Juristas halo servisu ka fó kontribuisaun, liu husi lei formal, liu husi Mana Zelia Trindade, atu fahe perspetiva no abilidade legal ho organizasaun sira ne'ebé servisu iha area jéneru ninian no ba audiénsia internasionál sira. Hanesan ezemplu: Nia halo apresentasaun iha konferénsia sira hodi fahe informasaun ba direasaun (board) no ba Rede Fetu nia membru organizasaun sira. Hanesan rezultadu, servisu ida-ne'e kontribui ba programa dezvoltamentu no advokasia ne'ebé Fetu Rede no nia membru organizasaun sira iha.

## **Kontaktu**

Tel: (670) 725 2586 (Zelia Trindade)

*Husi: Trembath, Anna no Damian Grenfell, Mapa ba Lala'ok Buka Igualdade Jéneru: Atividade Ajénsia La Governamentál no Internasionál nian iha Timor-Leste, Globalism Institute, RMIT University, Dili, July 2007, ISBN 978-0-646-47770-1, pp. 49-51.*